



初唐彙詩卷第十五

四唐彙詩十五

長樂郡
振鐸五
請子也

新都

吳勉學

采輯

江晏如

校次

五言古體

懷思

經廬岳迴望江州想洛陽有作

劉允濟

龜山帝始營龍門禹初鑿出入經變化俯仰憑
寥廓未若茲山功連延竝巫霍東北流良象西

南距神絡宏阜自鬱盤高堙復迴薄勢入柴桑
渚陰開彭蠡壑九江杳無際七澤紛相錯雲雨
散吳會風波騰鄒郡跡隨造化久利與乾坤博
盼嚮精氣通紛綸潛怪作石渠忽見踐金房安
可託地入天子都巖有仙人藥二門幾迢遞三
宮何儵爚咫尺窮杳冥跬步皆恬漠才驚羽翰
幽居靜龍蛇蠖明牧振雄辭棣華殊灼灼盛業
匡西夏深謀贊禹亳黃雲覆鼎飛絳氣橫川躍
佐曆符賢運人期茂天爵禮樂富垂髻詩書成

舞勺清輝靖岳電利器騰霜鏐遊聖挹衢樽鄰
畿恭木鐸牆仞包武侯波瀾控文若旋聞刈薪
楚遽覩折葵藿稷尚序揆圖良平公輔略重臣
資出守英藩諒求瘼豫章觀偉材江州訪靈嶠
陽岫曉氛氲陰崖暮蕭索潛伏屢鯨奔雄飛更
鷲搏驚獮透煙霞騰猿亂枝格故園有歸夢他
山非行樂帝鄉徒可遊湟澗終旅泊景物觀淮
海雲霄望河洛城闕紫微星圖書玄扈閣神功
匆粉績元氣猶斟酌丞相下南宮將軍趨北落

橫簪竝附蟬列鼎俱調鶴四郊時迷路五月先
投龠池榭宣瓊管風花亂珠珀舊遊勞夢寐新
知無悅樂天寒欲贈言歲暮期交約夜琴清玉
柱秋灰變緹幕風雲動翰林宮徵調文籥言泉
激爲浪思緒飛成繳千里輝珠璣五采含丹雘
鐘鼓旋驚鷄瑾瑜俄抵鵲竊價慙庸怠叨聲逾
寂寞長望限南溟居然翳東郭

初出京邑有懷舊林

盧僎

賦生期獨得素業守微班外忝文學知鴻漸鵠

鷺間肉傾水木趣築室依近山晨趨天日宴夕
臥江海閒松風生坐隅仙禽舞亭灣曙雲林下
客齊月池上顏雖曰坐郊園靜默非人寰時步
蒼龍闕寧異白雲關語濟豈時顧默善忘世攀
世網余何觸天涯謫南蠻回首思洛陽喟然悲
貞艱舊林日夜遶孤雲何時還

江路憶郡

張說

霧歛江早明星翻漢將沒臥聞峽猿響起視榜
人發倚棹攀岼篠憑船弄波月水宿厭洲渚晨

光屢揮忽林澤來不窮煙波去無歇結思笙竽
里搖情遊俠窟年貌不暫留歡愉及玄髮雲消
戀山海禽馬懷燕越自非行役人安知慕城闕
始興南山下有林泉嘗卜居焉荊州臥
病有懷此地

張九齡

出處各有在何者爲陸沈幸無追賤事聊可祛
迷襟世路少夷坦孟門未嶮嶽歎入火術常
惕履水心一跌不自保萬全焉可尋行行念歸
路眇眇惜光陰浮生如過隙先達已吾箴敢忘

丘山施亦云年病侵力衰在所養時謝良不任
但憶舊樓息願言遂窺臨雲間日孤秀山下面
清深蘿葛自爲幄風泉何必琴歸此老吾老還
當日千金

和吏部李侍郎見示秋夜望月憶諸侍
郎之什其卒章有前後行之戲因命僕

繼作

張九齡

清秋發高興涼月復閒宵光逐露華滿情因水
鏡搖同持亦所見異路無相招美景向空盡歡

言隨事銷忽聽金華作誠如玉律調南宮尚爲
後東觀何其遼名數雖云隔風期幸未遙今來
重餘論懷此更終朝

望宅中樹有所思

盧照鄰

我家有庭樹秋葉正離離上舞雙棲鳥中秀合
歡枝勞思復勞望相見不相知何當共攀折歌
笑此堂垂

和杜主簿春日有所思

蘇頌

朝上高樓上俯見洛陽陌搖蕩吹花風落英紛

已積美人不共此芳好空所惜攬鏡塵網滋當
牕苔蘚碧緬懷在雲漢良願睽枕席翻似無見
時如何久爲客

和王奭秋夜有所思

盧照鄰

寂寂南軒夜悠然懷所知長河落鴈苑明月下
鯨池鳳臺有清曲此曲何人吹丹唇間玉齒妙
響入雲涯窮巷秋風葉空庭寒露枝勞歌欲有
和星鬢已將垂

初唐彙詩卷第十五

四唐彙詩十五

初唐彙詩卷第十六

四唐彙詩十六

新都

吳勉學 采輯

江晏如 校次

五言古體

紀尋遇

過賈六

蘇晉

主人病且閑客來情彌適一酌復一笑不知日
將夕昨來屬歡遊於今盡成昔弩力持所趣空
名定何益

自衡陽至韶州謁能禪師 宋之問
謫居竄炎壑孤帆淼不繫別家萬里餘流目三
春際猿啼山館曉虹飲江臯霧湘岍竹泉幽衡
峰石閣閉嶺嶂窮攀越風濤極沿濟吾師在衡
陽欣此得躬詣洗慮寘空寂焚香結精誓願以
有漏軀聿薰無生慧物用益冲曠心源日閒細
伊我獲此途遊道廻晚計宗師信捨法擯落文
史藝坐禪羅浮中尋異南海裔何辭禦魑魅自
可乘炎癘廻首望舊鄉雲林浩虧蔽不作別離

苦歸期多年歲

同工部李侍郎適訪司馬子微

沈佺期

紫微降天仙丹地投雲藻上言華頂事中間長
生道華頂居最高大壑朝陽早長生術何妙童
顏後天老清晨朝鳳京靜夜思鴻寶憑崖飲蕙
氣過澗摘靈草人非塚已荒海變田應燥昔嘗
遊北郡三霜美溟島緒言霞上開機事塵外掃
頃來迫世務清曠未云保崎嶇待漏恩休楊司

言造軒皇重齋拜漢武愛祈禱順風懷崆峒承
露在豐鎬冷然委輕馭復得散幽抱柱下留伯
陽儲闈登四皓聞有叅同契何時一探討

登南嶽事畢謁司馬道士 張九齡

將命祈靈嶽迴策詣真士絕跡尋一徑異香聞
數里分庭八桂樹蕭容兩童子入室希把袖登
牀願啟齒誘我棄智訣迨茲長生理吸精反自
然鍊藥求不死斯言眇霄漢顧余嬰紛滓相去
九牛毛慙歎知何已

遊清都觀尋沈道士得仙字

劉孝孫

紛吾因暇豫行樂極留連尋真謁紫府披霧覩
青天絢懷金闕外遐想玉京前飛軒俯松栢抗
殿接雲煙滔滔清夏景嘒嘒早秋蟬橫琴對危
石酌醴臨寒泉聊祛塵俗累寧希龜鶴年無勞
生羽翼自可狎神仙

遊清都觀尋沈道士得都字

凌敬

聊排靈璣闥徐步入清都青谿冥寂士思玄狗
道樞十芒生藥笥七焰發丹爐縹表桐君籙朱
書王母符宮槐散綠穗日槿落青柎矯翰雷門
鶴飛來葉縣鳧凌風自可御安事迫中區方追
羽化侶從此得玄珠

遊清都觀尋沈道士得芳字

趙中虛

青谿阻千仞姑射藐汾陽未若遊茲境探玄衆
妙場鶴來一羽客雲汎似霓裳寓目雖靈宇遊

神乃帝鄉道存眞理得心灰俗累忘煙霞凝抗
殿松桂肅長廊早蟬清暮響崇蘭散晚芳卽此
翔寥廓非復控榆枋

遊清都觀尋沈道士得清字

許敬宗

幽人蹈箕頰方士訪蓬瀛豈若逢眞氣齊契體
無名旣詮衆妙理聊暢遠遊情縱心馳貝闕怡
神想玉京或命餘杭酒時聽洛濱笙風衢通闥
苑使下層城蕙帳晨飈動芝房夕露清方叶

棲遲趣於此聽鐘聲

見南山夕陽召監師不至 宋之問

夕陽黯晴暮山翠互明滅此中意無限要與開
士說徒鬱仲舉思詎迴道林轍孤與欲待誰待
此湖上月

夜泊越州逢北使 沈佺期

天地降雷雨放逐還國都重以風潮事年月戒
回艫容顏荒外老心想域中愚憩泊在茲夜炎
雲逐斗樞颺颺縈海若霹靂取天吳鼉抃羣島

失鯨吞衆流輪偶逢金華使握手泪相濡饑共
噬齊棗眠共席秦蒲旣北思攸濟將南睿所圖
往來固無咎何忽彈前杼

使至汴州喜逢宋之問 李夔

阮籍蓬池上孤韻竹林才巨源從吏道正擁使
車來相逢且交臂相命且銜杯醉後長歌畢餘
聲繞吹臺

初唐彙詩卷第十六

四唐彙詩六

聖德

聖德

聖德

聖德

聖德

初唐彙詩卷第十七

四唐彙詩十七

新都

江晏如

校次

吳勉學

采輯

五言古體

紀題詠

謁慈恩寺題樊法師房

太宗

停軒觀福殿遊目眺皇畿法輪含日轉花蓋接

雲飛翠煙香綺閣丹霞光寶衣幡虹遙合彩空

外迴分暉蕭然登十地自得會三歸

襄州景空寺題融上人蘭若 張說
高名出漢陰禪閣跨香岑衆山皆圍繞長川復
迴臨雲峰曉靈變風木夜虛吟碧湫龍池滿蒼
松虎徑深舊知青巖下偏入杳冥心何由侶飛
錫從此脫朝簪

題沈黎城

權澈

蘇子臥北海馬翁渡南洲迹恨事乃立功達名
遂休夜間羽書至召募此邊州鐵騎耀楚甲玉
匣橫吳鉤雪厚羣山凍蓬飛荒塞秋久戍曷辭

苦數戰期封侯不學豎儒輩談經空白頭

秋日題汝陽潭壁

劉希夷

獨坐秋陰生悲來從所適行見汝陽潭飛蘿蒙
水石懸瓢木葉上風吹何歷歷幽人不耐煩振
衣步閑寂迴流清見底金沙覆銀礫錯落非一
文空臙幾千尺魚鱗可憐紫鴨毛自然碧吟詠
秋水篇渺然亾損益秋水隨形影清濁混心迹
歲暮歸去來東山余宿昔

題畫山水障

張九齡

心累猶不盡果爲物外牽偶因耳目好復假丹
青妍嘗抱野間意而迫區中緣塵事固已矣秉
意終不遷良工適我願妙墨揮巖泉變化合羣
有高深侔自然置陳北堂上做像南山前靜無
戶庭出行已茲地偏萱草憂可樹合歡忿益蠲
所因本微物况乃憑幽筌言象會自泯意色聊
自宣對翫有佳趣使我心渺綿

題東山子李適碑陰二首

并序

徐彥伯

噫嘻李公生自號東山子
歿葬東山豈其識哉神交者歌薤露以送子歸東山爲詩鐫於

碑陰者

隴障縈紫氣金光赫氛氲美人含遙靄桃李芳
自薰圖高黃鶴羽寶奪驪龍羣忽驚薤露曲掩
噎東山雲

又

回也寔夭折賈生亦脆促今復哀若人危迅風
前燭夜臺淪清鏡窮塵埋結綠何以贈下泉生

芻唯一束

題張老松樹

宋之問

歲晚東巖下周顧何悽惻日落西山陰衆草起
寒色中有喬松樹使我長嘆息百尺無寸枝一
生自孤直

奉和詠日午

虞世南

高天淨秋色長漢轉曦車玉樹陰初正桐圭影
未斜翠蓋飛圓彩明鏡發輕花再中良表瑞共
仰璧暉賒

奉和詠日午

褚亮

曦車日亭午浮箭未移暉日光無落照樹影正
中圍草萎看稍靡葉燥望疑稀晝寢慙經筭暫
解入朝衣

詠日

董思恭

滄海十枝暉玄圃重輪慶薜蘿發晨楹菱彩翻
朝鏡忽遇驚風飄自有浮雲映更也人皆仰無
待揮戈正

詠月

董思恭

北堂未安寢西園聊騁望玉戶照羅幃珠軒明
綺障別客長安道思婦高樓上所願君莫違清
風時可訪

詠風

王勃

蕭蕭涼風生加我林壑清驅煙尋磗戶卷霧出
山楹去來固無跡動息如有情日落山水靜爲
君起松聲

雲

李嶠

大梁白雲起氛氲殊未歇錦文觸石來蓋影凌

天發煙煇萬年樹掩映三秋月會人大風歌從
龍赴圓闕

又

李邕

彩雲驚歲晚繚繞孤山頭散作五般色凝爲一
段愁影雖沈澗底形在天際遊風動必飛去不
應長此畱

詠水

張文宗

標名資上善流汎表靈長地圖羅四瀆天文載
五潢方流涵玉潤圓折動珠光獨有蒙園吏樓

偃翫濠梁

詠石

蘇味道

濟北甄神貺河西濯錦文
聲應天池雨影觸岱宗雲
燕歸猶可候羊起自成羣
何當握靈髓高枕絕囂氛

賦得吳都

虞世南

畫野通淮泗星纏應斗牛
玉牒宏圖表黃旗美氣浮
三分開霸業萬里宅神州
高臺臨茂苑飛閣跨澄流
江濤如素蓋海氣似朱樓
吳趨自有

樂還似鏡中遊

賦得蜀都

褚亮

列宿光參井分芒跨梁岷
沈犀對江浦駟馬入城闈
英圖多霸跡歷選有名臣
連騎簪纓滿含章詞賦新
得上仙槎路無待訪嚴遵

賦得魏都

李百藥

炎運精萃歇清都寶命開
帝里三方盛王庭萬國來
玄武疏遙澄金鳳上層臺
乍進仙童藥時傾避暑杯
南館招奇士西園引上才
還惜劉公

幹疲病清漳隈

賦得李

太宗

玉衡流桂圃成蹊正可尋
鶯啼密葉外蝶戲脆
花心麗景光朝彩輕霞散夕陰
暫顧暉章側還
眺靈山林

賦得櫻桃

春字韻

太宗

華林滿芳景洛陽徧陽春
朱顏含遠日翠色影
長津喬柯轉嬌鳥低枝映美人
昔作園中實今
為席上珍

賦得臨池竹應制

虞世南

葱翠梢雲質垂彩映清池
波泛含風影流搖防
露枝龍鱗漾嶰谷鳳翅拂漣漪
欲識凌冬性唯
有歲寒知

賦得浮橋

太宗

岸曲非千里橋斜異七星
暫低逢輦度還高
值浪驚水搖文鷁動纜轉錦花
縈遠近隨輪影輕
重應人行

詠琴

楊希道

久擅龍門質孤竦嶧陽名齊娥初發美趙女正
調聲嘉客勿遽反繁弦曲未成

又

劉允濟

昔在龍門側誰想鳳鳴時雕琢金爲器宮商不
自持巴人緩踈節楚客美繁絲欲作高張引翻
成下調悲

詠笙

楊希道

短長插鳳翼洪細摹鸞音能令楚妃歎復使荆
王吟切切孤竹管來應雲和琴

詠鏡

張說

寶鏡如明月出自秦宮樣隱起雙盤龍銜珠儼
相向常恐君不察匣中委清量積翳掩菱花虛
心蔽塵狀儻蒙羅袖拂光生玉臺上

詠瓢

張說

美酒酌懸瓢真淳好相映蝸房卷墮首鶴頸抽
長柄雅色素而黃虚心輕且勁豈無雕刻者貴
此成天性

詠花燭

褚亮

蘭徑香風滿梅梁暖日斜言是東方騎來尋南
陌車屬星臨夜燭眉月隱輕紗莫言春稍晚自
有鎮開花

詠興國寺佛殿前幡

太宗

拂霞疑電落騰虛狀寫虹屈伸煙霧裏低舉白
雲中紛披乍依迴掣曳或隨風念茲輕薄質無
翅強搖空

詠烏代陳師道

太宗

凌晨麗城去薄暮上林棲辭枝枝暫起停樹樹

還低向日終難托迎風詎肯迷只待纖纖手曲
裏作宵啼

詠鸚鵡

李義府

牽弋辭重海觸網去層巒戢翼雕籠際延思彩
霞端慕侶朝聲切離羣夜影寒能言殊可貴相
助憶長安

鴛鴦篇

陳子昂

飛飛鴛鴦鳥舉翼相蔽虧俱來綠潭裏共向日
雲涯音容相眷戀羽翮兩逶迤蘋萍戲春渚霜

霰遠寒池浦沙連岍淨汀樹拂潭垂年年此遊
翫歲歲來追隨鳳皇起丹穴獨向梧桐枝鴻鴈
來紫塞空憶稻梁肥烏啼倦依託鶴鳴傷別離
豈若此雙禽飛翻不異林刷尾清江浦交頸紫
山岑文章負奇色和鳴多好音聞有鴛鴦騎復
有鴛鴦衾持爲美人贈勗此故交心

詠螢

于季子

卉草誠幽賤枯朽絕因依忽逢借羽翼不覺生
光輝直念恩華重長嗟報効微方思助日月爲

許願曾飛

奉和聖製溫湯對雪應制

張說

瑞雪帶寒風寒風入陰瑄陰瑄方凝閉寒風復
淒斷宮似瑤林匝庭如月華滿正賡挾纊詞非
近溫湯暖

遼城望月

太宗

玄兔月初明澄輝照遼碣映雲光暫隱隔樹花
如綴魄滿桂枝圓輪虧鏡彩缺臨城却影散帶
暈重圍結駐蹕俯九都佇看妖氛滅

賦尚書

太宗

崇文時駐步東觀還停輦輟膳玩三墳暉燈披
 五典寒心覩肉林飛魄看沈洎縱情昏主多克
 已明君鮮滅身資累惡成名由積善既承百王
 未戰兢隨歲轉寒心覩肉林飛魄看沈洎一作夏康既逸豫商辛亦流洎
 玉帛資王會郊丘叶聖情重廣開環堵至道軌
 金籥盤薄依厚地遙裔騰太清方悅升中禮足
 以慰餘生

賦禮記

李百藥

賦西漢

魏徵

受降臨軹道爭長趣鴻門驅傳渭橋上觀兵細
 柳屯夜宴經柏谷朝遊出杜原終籍叔孫禮方
 知皇帝尊

詠司馬彪續漢志

太宗

二儀初創象三才乃分位非惟樹司牧固亦垂
 文字綿代更膺期芳圖無輟記炎薄承君道英
 謨纂神器潛龍既可躍術免奚難致前史殫妙
 詞後昆沈雅思書言揚盛跡補闕興鴻志川谷

猶舊途郡國開新意梅山未覺朽穀水誰云異
車服隨名表文物因時置鳳戟翼康衢鸞輿總
柔轡清濁必能澄鴻纖幸無棄觀儀不失序遵
禮方由事政宣竹律和時平玉條備文囿雕奇
彩藝門蘊深致雲飛星共流風揚月兼至類禋
遵令典壇壝資良地五勝竟無違百司誠有庇
粵予承暇景譚叢引衆秘討論窮義府看覈披
經笥大辯良難仰小學終先匱聞道諒知榮舍
毫孰忘愧

詠史四首

盧照鄰

季生昔未達身辱功不成髡鉗爲臺隸灌園變
姓名幸逢滕將軍兼遇曹丘生漢祖廣招納一
朝拜公卿百金誰云重一諾良匪輕廷議斬樊
噲羣公寂無聲處身孤且直遭時坦而平丈夫
當如此唯唯何足榮

又

大漢昔云季小人道遂振玉帛委菴尹斧鑕嬰
縉紳邈哉郭先生卷舒得其真雍容謝朝廷談

笑獎人倫在晦不絕俗處亂不爲親諸侯不得
友天子不得臣冲情甄負甌重價折角巾悠悠
天下士相送洛橋津誰知仙舟上寂寂四無鄰

又

公業負奇志交結盡才雄良田四百頃所食常
不充一爲侍御史慷慨說何公何公何爲敗吾
謀適不同仲穎恣殘忍廢興良在躬成人如亂
麻天子如轉蓬干戈及黃屋荆棘生紫宮鄭生
運其謀將以清國戎時來命不遂脫身歸山東

凜凜千載下穆然懷清風

又

昔有平陵男姓朱名阿游直髮上衝冠壯氣橫
三秋願得斬馬劍先斷佞臣頭天子玉檻折將
軍丹血流捐生不肯拜視死其若休歸來教鄉
里童蒙遠相求弟子數百人散在十二州三公
不敢吏五鹿何能酬名與日月懸義與天壤儔
何必疲執戟區區在封侯偉哉曠達士知命固
不憂

詠史

張九齡

大德始無頗中智是所是居然已不一况乃務
相詭小道致泥難巧言因萋毀穰侯或見遲蘇
生得陰揣輕既長沙傳重亦邊郡徒勢傾不幸
然跡在胡寧爾滄溟所為大江漢日來委澧水
雖復清魚鱉豈游此賢哉有小白讐中有管氏
若人不世生悠悠多如彼

又

王丘

高潔非養正盛名亦險艱偉哉謝安石携妓入

東山雲巖響金奏空水灑朱顏蘭露滋香澤松
風鳴珮環歌聲入空盡舞影倒池間杳眇同天
上繁華非代間卷舒混名迹縱誕無憂患何必
蘇門子冥然閉清關

詠漢高祖

王珪

漢祖起豐沛乘運以躍鱗手奮三尺劍西滅無
道秦十月五星聚七年四海賓高抗威宇宙貴
有天下人憶昔與項王契濶時未伸鴻門既薄
蝕滎陽亦蒙塵蟣虱生介冑將卒夕苦辛爪牙

驅信越腹心謀張陳赫赫西楚國化為丘與榛

詠淮陰侯

王珪

秦王日凶慝豪傑爭共亾信亦胡為者劍歌從
項梁項羽不能用脫身歸漢王道契君臣合時
來名位彰北討燕承命東驅楚絕糧斬龍堰灘
水擒豹潛夏陽功成享天祿建旗還南昌金千
答漂毋錢百酬下鄉吉凶成糾纏倚伏難預詳
弓藏狡兔盡慷慨念心傷

五君詠五首

張說

魏齊公元忠

齊公生人表迴天聞鶴唳清論早揣摩玄心晚
超詣入相廟廊靜出軍沙漠霽見深呂祿憂舉
後陳平計甘心除君惡足以報先帝

蘇許公瓌

許公信國楨克美具瞻情百事資朝問三章廣
世程處高心不有臨節自為名朱戶傳新戟青
松拱舊瑩淒涼丞相府餘慶在玄成

李趙公嶠

李公實神敏才華乃天授睦親何用心處貴不
忘舊故事遵臺閣新詩冠宇宙在人忠所奉惡
我誠將宥南浦去莫歸嗟嗟茂孫秀

郭代公元振

代公舉鵬翼懸飛摩海霧志康天地屯適與雲
雷遇興喪一言決安危萬心注大勲書王府舛
命淪江路勢傾北夏門哀靡東平樹

趙耿公彥昭

耿公山嶽秀才傑心亦妙鷲鳥峻標立哀玉扣

清調協贊休明啓恩華日月照何意瑤臺雲風
吹落江徼湘流下潯陽灑淚一投弔

喜雪

太宗

碧昏朝合霧丹卷暝韜霞結葉繁雲色疑璫遍
雪華光樓皎若粉映幕集疑沙泛柳飛飛絮粧
梅片片花照壁臺圓月飄珠箔穿露瑤潔短長
階玉藂高下樹映桐珪累白縈峰蓮抱素斷續
氣將沈徘徊歲云暮懷珍愧隱德表瑞佇豐年
蕊間飛禁苑鶴處舞伊川儻詠幽蘭曲同歡黃

初唐彙詩 卷十七
竹篇

奉和喜雪應制

許敬宗

曠州表奇貺 閔竹應遐巡
何如御京洛 流霰下天津
忽若瓊林曙 俄同李徑春
姑峰映仙質 郢路雜歌塵
伏檻觀花瑞 飄河共瀉銀
稱觴慶冬積 委樹還重壁
連山分掩翠 綿霄遠韜碧
千里徧浮空 五軻咸淪跡
機前輝裂素 池上伴凌波
騰華承玉宇 疑照混金娥
是日松筠性 欣奉柏梁歌

奉和聖製義成校獵喜雪應制

張說

文教資武功 郊畋閱邦政
不知仁育久 徒看禽獸盛
夜霰氛埃滅 朝日山川淨
綽仗飛走繁 桴絃筋角勁
帝射參神道 龍馳合人性
五紆連一發 百中皆先命
勇爵均萬夫 雄圖羅七聖
星爲吉符老 雪作豐年慶
喜聽行獵詩 威神入軍令

執契靜三邊

太宗

執契靜三邊 持衡臨萬姓
玉彩輝關燭 金莖流

日鏡無爲宇宙清有美璇璣正皎珮星連景飄
衣雲結慶戢武榮七德昇文輝九功煙波澄舊
碧塵火息前紅霜野韜蓮劍關城罷月弓錢綴
榆天合城新柳塞空花銷葱嶺雪縠盡流沙霧
秋駕轉兢懷春冰彌軫慮書絕龍庭羽烽休鳳
穴戍衣宵寢二難食肝食三懼翦暴興先廢除
克存昔亾圓蓋歸天壤方輿入地荒乳海池京
邑雙河沼帝鄉循躬思勵已撫俗愧時康元首
佇鹽梅股肱惟輔弼羽賢崕嶺四翼聖襄城七

澆俗庶反淳替文聊就質已知隆至道共歡區
宇一

奉和執契靜二邊應詔

許敬宗

玄塞隔陰戎朱光分昧谷地游窮北際雲崖盡
西陸星次絕軒臺風衢乖禹服寰區無所外天
覆今成育竄苗猶有孽戮負自貽辜疎網妖鯁
漏盤藪怪禽逋髯飛尚假息乳視暫稽誅乾靈
振玉弩神略運璇樞日羽郭遊氣天陣清華野
昇暄光西夜馳恩溢東瀉揮袂靜崑炎開關納

流赭錦輶凌右地華纓羈大夏清臺映羅葉玄
沚控瑤池駃鹿輸珍貺樹羽饗來儀輟餽觀海
宇栖籞萃條支薰風交閭闕就日泛濛漪充庭
延飲至絢簡敷春藻迎姜已創圖命力訪論道
昔託遊河乘再備商山皓欣逢德化流思效登
封草

賦得夏首啓節

太宗

北闕三春晚南榮九夏初黃鶯啖漸變翠林花
落餘瀑流還響谷猿啼自應虛早荷向心卷長
楊就影舒此時歡不極調軫坐相於

置酒坐飛閣

太宗

高軒臨碧渚飛簷迴架空餘花鑕鏤檻殘柳散
雕櫳岍菊初含蕊園林始帶紅莫慮崑山暗還
共盡杯中

和邊城秋氣早

李義府

金微疑素節玉律應清葭邊馬秋聲急征鴻曉
陣斜關樹凋涼葉塞草落寒花霧暗長川景雲
昏大漠沙谿深路難越川平望超忽極望斷煙

飄遙落驚蓬沒霜結龍城吹水照龜林月日色
夏猶冷霜華春未歇睿作高紫宸分明映玄闕

雨從箕山來

宋之問

雨從箕山來倏與飄風度晴明西峰日綠縵南
谿樹此時客精廬幸蒙真僧顧深入清淨理妙
斷往來趣意得兩契如言盡共忘喻觀花寂不
動聞鳥懸可悟向夕聞天香淹留莫能去

賦得遊人久不歸

一作劉孝孫詩非

賀朝清

鄉關眇天末引領悵懷歸羈旅久滯滯物色屢

芳菲稍覺出意盡行看蓬鬢稀如何千里外佇
立霑裳衣

與東方左史虬脩竹篇

并書

陳子昂

東方公足下文章道弊五百年矣漢魏風骨
晉宋莫傳然而文獻有可徵者僕嘗暇時觀
齊梁間詩彩麗競繁而興寄都絕每以永歎
思古人常恐遷透頽靡風雅不作以耿耿也
一昨於解三處見明公詠孤桐篇骨氣端翔
音情頓挫光音朗練有金石聲遂用洗心飾

視發揮幽鬱不圖正始之音復覩於茲可使
建安作者相視而笑解君云張茂先何敬祖
東方生與其比肩僕亦以爲知言也 感歎
雅製作脩竹詩一首當有知音以傳示之
龍種生南嶽孤翠鬱亭亭峯嶺上崇翠煙雨下
微冥夜聞鼯鼠叫晝聒泉壑聲春風正淡蕩白
露已清泠哀響激金奏密色滋玉英歲寒霜雪
苦含彩獨青青豈不厭凝冽羞比春木榮春木
有榮歇此節無凋零始願與金石終古保堅貞

不意伶倫子吹之學鳳鳴遂偶雲和瑟張樂奏
天庭妙曲方千變簫韶亦九成信蒙雕斲美常
願事仙靈驅馳翠虬駕伊鬱紫鸞笙結交羸臺
女吟弄昇天行携手登白日遠遊戲赤城低昂
玄鶴舞斷續彩雲生永隨衆仙逝三山遊玉京

觀荆玉篇

并序

陳子昂

丙戌歲余從左補闕喬公北征夏四月軍幕
次于張掖河河洲草木無他異者唯有仙人
杖往往叢生幽朔地寒與中國稍異予家世

好服食昔常餌之及此役也而息意茲味或有薦嘉蔬者此物存焉鞭爾而笑曰始者與此君別不圖至是而見之豈非神明嘉惠將欲扶吾壽也因爲喬公昌言其能時東萊王仲烈亦同旅舍聞而大喜甘心食之已旬有五日矣適有行人自謂能知藥者謂喬公曰此白棘也公何謬哉仲烈愕然而疑亦曰吾怪其味甘今果如此喬公信是言迺譏予作采玉篇謂宋人不識玉而寶珉石也予心知

必是猶以獨見之故被奪於衆人迺喟然而歎曰嗟乎人之大明者目也心之至信者口也夫日照五色口分五味玄黃甘苦亦可斷而不惑矣而路傍一議二子增疑况君臣之際朋友之間乎自是而觀則萬物之情可見也感采玉詠而作觀玉篇以答之并示仲烈譏其失真也

鴟夷雙白玉此玉有緇磷懸之千金價舉世莫知真丹青非異色輕重有殊倫勿信玉工言徒

悲荆國人

孤松篇

劉希夷

蠶月桑葉青鶯時柳花白澹豔煙雨姿敷芬陽
春陌如何秋風起零落從此始獨有南澗松不
歎東流水玄陰天地冥皓雪朝夜零豈不罹寒
暑爲君留青青好顏色落落任孤直羣樹
遙相望衆草不敢逼靈龜卜真隱仙鳥宜棲息
耻受秦帝封願言唐侯食寒山夜月明山冷氣
清清淒兮歸風集吹之作琴聲松子卧仙岑寂

聽疑野心清冷有真曲樵採無知音美人何時
來幽徑委綠苔吁嗟深澗底棄捐廣厦材

翫郡齋海榴

宋之問

澤國韶氣早開簾延霽天野禽宵未嘯山蜚書
仍眠目茲海榴發列映巖楹前熠燿禦風靜歲
蕤今京鮮清晨綠堪佩亭午丹欲燃昔忝金閨
籍嘗見玉池蓮未若宗族地更逢榮耀全南金
雖自貴賀賞詎能遷撫躬萬里絕豈染一朝妍
徒緣滯遐郡賞是惜流年越俗鄙章甫捫心空

自憐

石竹詠

王績

萋萋結綠枝
曄曄垂未英
常恐零露降
不得全其生
歎息聊自思
此生豈我情
昔我未生時
誰者令我萌
棄置勿重陳
委化何足驚

山行見孤松成詠

張宣明

孤松鬱山椒
蕭爽凌清霄
既挺千丈幹
亦生百尺條
青青怕一色
落落非一朝
大厦今已邁
惜哉無人招
寒霜十二月
枝葉獨不凋

聞雨

張說

多雨絕塵事
寥寥入太玄
城陰初復合
簷滴斷還連
念我勞造化
從來五十年
悞將心狗物
近得還自然
閒居草木侍
虛室鬼神憐
有時進美酒
有時汎清絃
聲真不世識
心醉豈言詮

嵩嶽聞笙

劉希夷

月出嵩山東
月明山益空
山人愛清景
散髮卧秋風
風止夜何清
獨夜草蟲鳴
仙人不可見
乘月近吹笙
絳脣吸靈氣
玉指調真聲
真聲是何

曲三山鸞鶴情昔去洛塵俗願言聞此曲今來
卧嵩岑何幸承幽音神仙樂吾事笙歌銘夙心

山夜聞鐘

張說

夜卧聞夜鐘夜靜山更響霜風吹寒月窸窣虛
中上前聲既春容後聲復晃盪聽之如可見尋
之定無像信知本際空徒掛生滅想

聽鄰人琵琶

陳叔達

本是龍門桐因妍入漢宮香緣羅袖裏聲逐朱
弦中雖有相思韻翻將入塞同關山臨却月花

葢散迴風爲將金谷引添令曲未終

採芙蓉

太宗

結伴戲方塘携手上雕航船移分細浪風散動
浮香遊鶯無定曲驚鳧有亂行蓮稀釧聲斷水
廣棹歌長棲鳥還密樹泛流歸建章

雪

徐彥伯

雪暗窮海雲灑空紛似露朔風吹故里宛轉玉
階樹孤妾調玉瑟早寒生錦衿况君張羅幙愁
坐北庭陰

初唐彙詩卷第十八
和杜麟臺元志春情

沈佺期

嘉樹滿中園氛氳羅秀色不見仙山雲倚琴空
太息沈思若在夢緘怨似無憶青春春坐南移白
日忽西匿蛾眉返清鏡閨中不相識

代閨人春日

劉希夷

珠簾的曉光玉顏艷春彩林間鳥鳴喚戶外花
相待花鳥惜芳菲鳥鳴花亂飛人今伴花鳥日
暮不能歸池月憐歌扇山雲愛舞衣佳期楊柳
陌携手莫相違

初唐彙詩卷第十七

初唐彙詩卷第十八

四唐彙詩十八

新都

吳勉學

采輯

江晏如

校次

五言古體

紀哀

望送魏徵葬

太宗

閭闔總金鞍上林移玉輦野郊愴新別河橋非
舊餞慘日映峰沈愁雲隨蓋轉哀笳時斷續悲
旌乍舒卷望望情何極浪浪淚空泫無復昔時

人芳春共誰遣

傷王學士

并序

沈佺期

王君赦者少小遊洛陽吾與君隴西李子至
爲友家貧倦道歲常晏如屬文豪翰吟諷所
得時會絕境長安初以器行制在蕃邸侍諸
人遊四年余遭浮議下獄他日余至來知君
物化嗚呼頴叔享年不遐昔同爲人今先鬼
錄恨吾非所闕爾來葬退而賦詩以哀命
閉囚斷外事昧坐半餘朞有言頴叔子亡來已

一時初聞宛不信中話涕漣洏痛哉玄夜重何
遽青春姿憶汝會旅食屢空漚澗湄吾徒祿未
厚笮斗愧相貽原憲貧無愁顏回樂自持詔書
擇才善君爲王子師寵儒名可尚論秩官猶欺
化往不復見情來安可思目絕毫翰灑耳無歌
諷期靈柩寄何處精魂今何之恨予在丹棘不
得看素旗孀妻知己歎幼子路人悲感遊值商
日絕絃留此詞

哭富嘉謨

并序

吳少微

維三月癸丑河南富嘉謨卒予時寢疾於洛陽北里聞之投枕而起淚沾乎衽席匍匐於寢門之外病不能哭仰天而呼曰天乎天乎俾予曷有朋曷有律曷可得而見抑斯文也以存乎哀太常少卿徐鄜州刺史尹公中書徐元二舍人兵部張郎中未嘗值我不嘆于朝夫情悼之賦詩以寵亡也其詞曰
吾友適不死於戲社稷臣直祿非造利長懷大庇人乃通承明籍邁此敦牂春藥礪其可畏皇

穹故匪仁疇昔與夫子孰云異天倫同病一相失茫茫不重陳子之文章在其殆尼父新鼓興
幹河岳貞詞毒鬼神可悲不可朽車轆沒荒榛
聖主賢爲寶吁茲大國貧

蜀城哭台州樂安少府

蘇頌

遊遠躋劔閣長想屬天台萬里隔三載此邦余
重來音容曠不覩夢寐殊悠哉邊郡饒藉藉晚
庭正回回喜傳上都封因促傍吏開向悟海鹽
客已而梁木摧變衣寢門外揮涕少城隈却記

分明得猶持委曲猜師儒昔訓獎仲季時童孩
服義題書篋邀歡汎酒杯暫令風雨散仍迫歲
時迴其道惟正直其人信美俛白頭還作尉黃
綬固非才可歎懸蛇疾先貽問鵬災故鄉閉窮
壤宿草生寒荻零落九原去蹉跎四序催曩期
冬贈橘今哭夏成梅執禮誰爲贈居常不徇財
北登喂螺坂東望姑蘇臺天路本懸絕江波復
泝洄念孤心易斷追往恨艱裁不遂卿將伯孰
云陳與雷吾衰亦如此夫子復何哀

淮陽公主挽歌

李义

玉顏生漢渚湯沐榮天女金縷化印塵哀榮感
路人鳳凰曾作伴螻蟻忽爲親疇日成蹊處穠
華不復春

故趙王屬贈黃門侍郎上官公挽詞

李义

暮歸泉壤幽朝發城池戀漢疇結愁陰秦川下
悲霰駸駸百駟馳憫憫羣龍餞石馬徒自施玉
人終不見

初唐彙詩 卷十九
右侍郎集賢院學士徐公挽詞

張說

歎息書林友才華天下選並賦三陽宮集詩集
賢殿具物衣如在咄嗟長不見既哀薤露詞豈
忘平生眷

謝都督挽歌

上官儀

漠漠佳城幽蒼蒼松檟暮魯幕飄欲卷宛駟悲
還顧楚挽繞廬山胡笳臨武庫悵然郊原靜煙
生歸鳥度

初唐彙詩卷第十八

初唐彙詩卷第十九

四唐彙詩十九

新都

吳勉學

采輯

江晏如

校訂

七言古體

樂府

巫山高

一作閻
復本詩

閻立本

君不見巫山高高半天起絕壁千尋盡相似君
不見巫山碣匝翠屏開湘江碧水遶山來綠樹
春嬌明月峽紅花朝覆白雲臺臺上朝雲無定

不唐書詩 卷十九
所此中窈窕神仙女
盈盈仙骨飛清容
出沒有光輝
欲暮高唐行
雨送今宵定
入荆王夢
荆王夢裏愛穠華
枕席初開紅帳遮
可憐欲曉啼猿處
說道巫山是妾家

芳樹

徐彥伯

玉花珍簾上
金縷畫屏開
曉月憐箏柱
春風憶鏡臺
箏柱春風吹
曉月芳樹落花朝
暝歇藁砧刀頭未有期
攀條拭淚坐相思

臨高臺

王勃

臨高臺
高臺迢迢絕
浮埃瑤軒綺構何崔嵬
鸞歌鳳吹清且哀
俯瞰長安道
萋萋御溝草
斜對甘泉路
蒼蒼茂陵樹
高臺四望同
帝鄉佳氣鬱
葱葱紫閣丹樓紛
照耀璧房錦殿相
玲瓏東迷長樂觀
西指未央宮
赤城映朝日
綠樹搖春風
旗亭百隊開
新市甲第千
薨分戚里朱輪翠蓋
不勝春疊榭層楹
相對起復有青樓
大道中繡戶文窻
雕綺櫳錦衾夜不
褰羅帷晝未空
歌屏朝揜翠粧鏡
晚窺紅爲君開寶
髻蛾眉罷花叢

初唐彙詩 卷十九
塵間狹路黯將暮雲開月色明如素鴛鴦池上
兩兩飛鳳凰樓下雙雙度物色正如此佳期那
不顧銀鞍繡轂盛繁華可憐今夜宿娼家娼家
少婦不須顰東園桃李片時春君看舊日高臺
處柏梁銅雀生黃塵

江南曲三首

劉希夷

暮春三月晴維揚吳楚城城臨大江汜迴映洞
浦清晴雲曲金閣珠樓碧煙裏月明芳樹羣鳥
飛風過長林雜花起可憐離別誰家子于此一

至情何已

又

北堂紅草盛芊茸南湖碧水照芙蓉朝遊暮起
金花盡漸覺羅裳珠露濃自惜年華三五歲已
歎關山千萬重人情一去無還日欲贈懷芳怨
不逢

又

憶昔江南年盛時平生怨在長洲曲冠蓋星繁
江水上衝風標落洞庭淥落花 袖紅紛紛朝

初唐書詩 卷十九
霞高閣洗晴雲誰言此處嬋娟子珠玉爲心以
奉君

王子喬

宋之問

王子喬愛神仙七月七日上賓天白虎搖瑟鳳
吹笙乘騎雲氣喻日精喻日精長不歸遺廟今
在而人非空望山頭草草露濕人衣

從軍行

王宏

兒生三日掌上珠燕領猿肱穠李膚十五學劒
北擊胡羌歌燕筑送城隅城隅路接伊川驛河

陽渡頭邯鄲陌可憐年少把手時黃鳥雙飛梨
花白秦王築城三千里西自臨洮東遼水山邊
疊疊黑雲飛海畔萋萋青草死從來戰鬪不求
勳殺身爲君君不聞鳳皇樓上吹急管落日裴
徊腸先斷

飲馬長城窟行

王翰

長安少年無遠圖一生惟羨執金吾麒麟前殿
拜天子走馬西擊長城胡胡沙獵獵吹人面漢
虜相逢不相見遙聞鼙鼓動地來傳道單于夜

猶戰此時顧恩寧顧身爲君一行催萬人壯士
揮戈迴白日單于濺血汚朱輪迴來飲馬長城
窟長城道傍多白骨問之耆老何代人云是秦
王築城卒黃昏塞北無人煙鬼哭啾啾聲沸天
無罪見誅功不賞孤城流落此城邊當昔秦王
按劍起諸侯膝行不敢視富國強兵二十年築
怨興徭九千里秦王築城何太愚天實亡秦非
北胡一朝禍起蕭牆內渭水咸陽不復都

怨歌行

吳少微

城南有怨婦含情傍芳叢自謂二八時歌舞入
漢宮皇恩數流眄承幸玉堂中綠柏黃花催夜
酒錦衣羅袂逐春風建章西宮煥若神燕趙美
女三千人君王厭德不忘新况羣豔冶紛來陳
是時別君不再見三十三春長信殿長信重門
晝掩關清房曉帳幽且閑綺窻蟲網氛塵色文
軒鶯對桃李顏天王貴宮不貯老浩然含淚今
來還自憐春色轉晚暮試逐佳遊芳草路小腰
麗女奪人竒金鞍少年曾不顧歸來誰爲夫請

謝西家婦莫辭先醉解羅襦

古蛾眉怨

王翰

君不見宜春苑中九華殿飛閣連連直如髮白
日全含朱鳥牕流雲半入蒼龍闕宮中綵女夜
無事學鳳吹簫弄清越珠簾北卷待涼風繡戶
南開向明月忽聞天子憶蛾眉寶鳳銜花撲兩
螭傳聲走馬開金屋夾路鳴環上玉墀長樂彤
庭宴華寢三千美人曳花錦燈前含笑更羅衣
帳裏承恩薦瑤枕不意君心半路迴求仙別作

望仙臺琳琅禁闥遙相憶紫翠巖房晝不開欲
向人間種桃實先從海底覓蓬萊蓬萊可求不
可上孤舟縹緲知何往黃金作盤銅作莖青天
白露掌中擎王母嫣然感君意雲車羽旆欲相
迎飛廉觀前空怨慕少君何事須相誤一朝埋
沒茂陵田賤妾蛾眉不重顧宮車晚出向南山
仙衛逶迤去不還朝晡泣對麒麟樹樹下蒼苔
日漸斑人生百年夜將半對酒長歌莫長歎情
知白日不可私一死一生何足筭

江南弄

王勃

江南弄巫山連楚夢行雨行雲幾相送瑤軒金
谷上春時玉童仙女無見期紫霧香煙眇難託
清風明月遙相思遙相思草徒綠爲聽雙飛鳳
凰曲

採蓮曲

一作採蓮歸

王勃

採蓮歸綠水芙蓉衣秋風起浪鳧飛桂棹蘭
橈下長浦羅裙玉腕輕搖櫓葉嶼花潭極望平
江謳越吹相思苦相思苦佳期不可駐塞外征

夫猶未還江南採蓮今已暮今已暮採蓮花渠
今那必盡娼家官道城南把桑葉何如江上採
蓮花蓮花復蓮花花葉何稠疊葉翠本羞眉花
紅強似頰佳人不在茲悵望別離時牽花憐共
蒂折藕愛連絲故情無處所新物徒華滋不惜
西津交珮解還羞北海鴈書遲採蓮歌有節採
蓮夜未歇正逢浩蕩江上風又值徘徊江上月
徘徊蓮浦夜相逢吳姬越女何丰茸共問寒光
千里外征客關山路幾重

采蓮女

閻朝隱

采蓮女采蓮舟春日春江碧水流蓮衣承玉釧
蓮刺罥銀鈎薄暮歛容歌一曲氤氳香氣滿汀
洲

采蓮

徐玄之

越豔荆姝貫采蓮蘭橈畫檝滿長川秋來江上
澄如練映水紅妝如可見此時蓮浦珠翠光此
日荷風羅綺香纖手周流不暫息紅英爛熳殊
未極夕鳥棲林人欲稀長歌哀怨采蓮歸

朝雲引

郎大家宋氏

巴西巫峽連巴東朝雲觸石上朝空巫山巫峽
高何已行雨行雲一時起一時起三春暮若言
來且就陽臺路

鳳簫曲

一作古意

沈佺期

八月涼風動高閣千金麗人捲綃幕已憐池上
歇芳菲不念君恩坐搖落世上榮華如轉蓬朝
隨阡陌暮雲中飛燕侍寢昭陽殿班姬飲恨長
信宮長信宮昭陽殿春來歌舞妾自知秋至榮

華君不見昔時羸女厭世氛學吹鳳簫乘彩雲
含情轉睽向蕭史千載紅顏待贈君

白紵辭二首

楊衡

玉纓翠珮雜輕羅香汗微漬朱顏酡爲君起唱
白紵歌清聲裏雲思繁多凝笳哀琴時相和金
壺半傾芳夜促梁塵霏霏暗紅燭令君安坐聽
終曲墜葉飄花難再復

又

躡珠履步瓊筵輕身起舞紅燭前芳姿豔態妖

且妍迴眸轉袖暗催弦涼風瀟瀟漏水急月華
泛灑紅蓮濕牽裙攬帶翻成泣

擬晉女劉妙容宛轉歌二首

郎大家宋氏

風已清月朗琴復鳴掩抑非千態殷勤是一聲
歌宛轉宛轉和且長願爲雙黃鵠比翼共翱翔

又

日已暮長簷鳥聲度此時望君君不來此時思
君君不顧歌宛轉那能異棲宿願爲形與影出

入怕相逐

明月歌

閻朝隱

梅花雪白柳葉黃雲霧四起月蒼蒼箭水冷冷
刺漏長揮玉指拂羅裳爲君一奏楚明光

明月引

洞庭波起兮鴻鴈翔風瑟瑟兮野蒼蒼浮雲捲
靄明月流光荆南兮趙北碣石兮瀟湘澄清規
於萬里照離思於千行橫桂枝於西第繞菱花
於北堂高樓思婦飛蓋君王文姬絕域侍子他

鄉見胡鞍之似練知漢劍之如霜試登高而騁
目莫不變而廻腸

明月

李如璧

三五月華流炯光可憐懷歸郢路長逾江越漢
津無梁遙遙永夜思茫茫昭君失寵辭上宮蛾
眉嬋娟卧氍毹胡人琵琶彈北風漢家音君絕
南鴻昭君此時怨畫工可憐明月光腫臃節旣
秋今天向寒沅有漪兮湘有瀾沅湘糾合淼漫
漫洛陽才子憶長安可憐明月復團團逐臣戀

主心愈恪棄妻思君情不薄已悲芳歲徒淪洛
復恐紅顏坐銷鑠可憐明月方照灼向影傾身
比葵藿

綠竹引

宋之問

青谿綠潭潭水側脩竹嬋娟同一色徒生仙實
鳳不遊老死空山人詎識妙年秉願逃俗紛歸
卧高丘弄白雲含情傲睨慰心目何可一日無
此君

妾薄命

劉元叔

自從離別守空閨遙聞征戰赴雲梯夜夜思君
遼海北年年棄妾渭橋西陽春白日照空煖紫
燕銜花向庭滿彩鸞琴裏怨聲多飛鵲鏡前顏
色斷誰家夫壻不從征應是漁陽別有情莫道
紅顏燕地少家家還似洛陽城且逐新人殊未
歸還令秋至夜霜飛北斗星前橫旅鴈南樓月
下擣寒衣夜深聞鴈腸欲絕獨坐縫衣燈又滅
暗啼羅帳空自憐夢度陽關向誰說每憐容貌
宛如神如何薄命不如人待君朝夕燕山至好

作明年楊柳春

偷薄命

常理

十五玉童色雙蛾青鸞鸞鳥銜櫻桃花此時刺
繡閑嬌小恣所愛誤人金指環豔花勾引落滅
燭屏風關妾怕愁中畫君偷薄裏還初謂來心
平若案誰知別意險如山乍啼羅袖嬌遮面不
忍看君莫惜顏

美女篇

王琚

東鄰美女實名娼絕代容華無比方濃纖得中

非短長紅素天生誰飾妝桂樓椒閣木蘭堂繡
戶雕軒文杏梁屈曲屏風繞象牀菱蕤翠帳綴
香囊玉臺龍鏡洞徹光金爐沈煙酷烈芳遙聞
行珮音鏘鏘含嬌欲笑出洞房二八三五閨心
切褰簾捲幔迎春節清歌始發詞怨咽鳴琴一
弄心斷絕借問哀怨何所爲盛年情多心自悲
須臾破顏倏斂態一悲一喜併相宜何能見此
不注心惜無媒氏爲傳音可憐盈盈直千金誰
家君子爲藁砧

東飛伯勞歌

張柬之

青田白鶴丹山鳳
婺女姮娥兩相送
誰家絕世綺帳前
豔粉紅脂映寶鈿
窈窕玉堂褰翠幙
參差綉戶懸珠箔
絕世三五愛紅粧
冶袖長裾蘭麝香
春去花枝俄易改
可歎年光不相待

擬古東飛伯勞西飛鷺

李嶠

傳書青鳥迎簫鳳
巫嶺荆臺數通夢
誰家窈窕住園樓
五馬千金照陌頭
羅裾玉佩當軒出
點翠施紅競春日
佳人二八盛舞歌
羞將百萬呈

雙蛾庭前芳樹朝
夕改空駐妍華欲
誰待

長相思

蘇頌

君不見天津橋下東
流水南望龍門北
朝市楊柳青青宛地
垂桃紅李白花參差
花參差柳堪結此時
憶君心斷絕

又

郎大家宋氏

長相思久離別
關山阻風煙
絕臺上鏡文銷袖
中書字滅不見君
形影何曾有懽悅

行路難

盧照隣

君不見長安城北渭橋邊枯木橫槎卧古田昔
日含紅復含紫常時留霧亦留煙春景春風花
似雪香車玉輦恒闐咽若箇遊人不競攀若箇
娼家不來折娼家寶袜蛟龍帔公子銀鞍千萬
騎黃鶯一一向花嬌青鳥雙雙將子戲千尺長
條百尺枝月桂星榆相蔽虧珊瑚葉上鴛鴦鳥
鳳皇巢裏雛鷓兒巢傾枝折鳳歸去條枯葉落
任風吹一朝憔悴無人問萬古摧殘君詎知人
生貴賤無終始倏忽須臾難久恃誰家能駐西

山日誰家能堰東流水漢家陵樹滿秦川行來
行去盡哀憐自惜公卿二千石咸擬榮華一萬
年不見朱唇將白貌唯聞青棘與黃泉金貂有
時須換酒玉塵恒搖莫計錢寄言坐客神仙署
一生一死交情處蒼龍闕下君不留白鶴山頭
我應去雲間海上邈難期赤心會合在何時但
願堯年一百萬長作巢由也不辭

又

張紘

君不見溫家玉鏡臺提攜抱握九重來君不見

相如綠綺琴一撫一拍鳳凰音人生意氣須及早莫負當年行樂心荆王奏曲楚妃歎曲盡歡終夜將半朱樓銀閣正平生碧草青苔坐蕪漫當春對酒不須疑視日相看能幾時春風吹盡燕初至此時自爲稱君意秋露萎草鴻始歸此時衰暮與君遠人生翻覆何常定誰保容顏無是非

軍中行路難

同辛常伯作

駱賓王

君不見玉關塵色暗邊庭銅鞮雜虜寇長城天

子按劍徵餘勇將軍受脤事橫行七德龍韜開玉帳千重龜壘動金鉦陰山苦霧埋高壘交河孤月照連營連營去去無窮極擁旆遙遙過絕國陣雲朝結晦天山寒沙夕漲迷踈勒龍鱗水上開魚貫馬首山前振鷗翼長驅萬里讐祁連分麾三令武功宣百發烏號遙碎柳七尺龍文迴照蓮春來秋去移灰瑄蘭閨柳市芳塵斷鴈門迢遞尺書稀鴛被相思雙帶緩行路難行路難誓令氛祲靜皋蘭但使封侯龍額貴詎隨中

不居身詩 卷之九
婦鳳樓寒

軍中行路難

辛常伯

君不見封狐雄虺自成羣憑深負固結妖氛玉
墮分兵徵惡少金壇受律動將軍將軍擁麾宣
廟略戰士橫戈靜夷落長驅一息背銅梁直指
三危登劍閣閣道岩巖起戍樓劍門遙裔俯靈
丘邛關九折無平路江水雙源有急流征役無
期返他鄉歲華晚杳杳江陵出蒼蒼林薄遠途
危紫蓋峰路澁青泥坂去去指哀牢行行入不

毛絕壁千里險連山四望高中外分區宇夷夏
殊風土交趾枕南荒昆彌臨北戶川原饒毒霧
谿谷多淫雨行潦四時流崩查千歲古漂梗飛
蓬不暫安捫蘿引葛陟危巒昔時聞道從軍樂
今日方知行路難滄江綠水東流駛炎州丹徼
南中地南中南斗映星河秦關秦塞阻煙波三
春邊地風光少五月瀘川瘴癘多朝驅疲斥候
夕息倦樵歌向月響繁弱連星轉太阿重義輕
生懷一顧東伐西征九幾度夜夜朝朝斑鬢新

年年歲歲戎衣故，灞城隅，滇池水，天涯望轉積。
地際行無已，徒覺炎涼節，物非不知關山千萬
里，棄置勿重陳，重陳多苦辛，且悅清笳梅柳曲，
詎憶芳園桃李人，絳節紅旗分日羽，丹心白刃
酬明主，但令一被君王知，誰憚三邊征戰苦，行
路難行路難，岐路幾千端，無復歸雲憑短翰，空
餘望日想長安。

古別離

王適

昔歲驚楊柳，高樓悲獨守，今年芳樹枝，孤棲怨

別離珠簾晝不捲，羅幔曉長垂，苦調琴先覺，愁
容鏡獨知，頻年鴈度無消息，罷却鴛文何用織，
夜還羅帳空有情，春着裙腰自無力，青軒桃李
落紛紛，紫庭蘭蕙日氛氲，已能憔悴今如此，更
復含情一待君。

秋夜長

王勃

秋夜長，殊未央，月明露白澄清光，層城綺閣遙
相望，遙相望，川無梁，北風受節南鴈翔，崇蘭委
質時，菊芳鳴環曳珮出，長廊爲君長夜擣衣裳。

織羅對鳳皇丹綺雙鴛鴦調砧亂杵思自傷思
自傷征夫萬里戍他鄉鶴關音信斷龍門道路
長君在天一方寒衣徒自香

古歌

沈佺期

落花流風向玉臺夜寒秋思洞房開水晶簾外
金波下雲母牕前銀漢迴玉階陰陰苔蘚色君
王履綦難再得璇閨窈窕秋夜長繡戶徘徊明
月光燕姬綵帳芙蓉色秦女金鑪蘭麝香北斗
七星橫夜半清歌一曲斷君腸

新曲二首

長孫無忌

阿儂家住朝歌下早傳名結伴來遊淇水上舊
長情玉珮金鈿隨步遠雲羅霧縠逐風輕轉目
機心懸自許何須更待聽琴聲

又

迴雪凌波遊洛浦遇陳王婉約娉婷工語笑侍
蘭房芙蓉綺帳還開揜翡翠珠被爛齊光長願
今宵奉顏色不愛吹簫逐鳳皇

初唐彙詩卷第十九

四唐彙詩十九

初唐彙詩卷第二十

四唐彙詩二十

新都

吳勉學

采輯

江晏如

校次

七言古體

樂府

公子行

劉希夷

天津橋下陽春水天津橋上繁華子馬聲迴合
青雲外人影動搖綠波裏綠波蕩漾玉爲砂青
雲離披錦作霞可憐楊柳傷心樹可憐桃李斷

初唐身言 卷三十一
腸花此日遨遊邀美女此時歌舞入娼家娼家
美女鬱金香飛去飛來公子傍的的珠簾白日
映娥娥玉顏紅粉妝花際裴徊雙蛺蝶池邊顧
步兩鴛鴦傾國傾城漢武帝爲雲爲雨楚襄王
古來容光人所羨况復今日遙相見願作輕羅
着細腰願爲明鏡分嬌面與君相向轉相親與
君雙棲共一身願作貞松千歲古誰論芳槿一
朝新百年同謝西山日千秋萬古北却塵

春女行

王翰

紫臺穹跨連綠波紅軒鈴匝垂織羅中有一人
金作面隔幌玲瓏遙可見忽聞黃鳥鳴且悲鏡
邊含笑着春衣羅袖嬋娟似無力行拾落花比
容色落花一度無再春人生作樂須及辰君不
見楚王臺上紅顏子今日皆成狐兔塵

鄴都引

張說

君不見魏武草創爭天祿羣雄睚眦相馳逐晝
携壯士破堅陣夜接詞人賦華屋都邑繚繞西
山陽桑榆汗漫漳河曲城郭爲墟人代改但見

西園明月在鄴傍高塚多貴臣娥眉曠跡共灰
塵試上銅臺歌舞處唯有秋風愁殺人

汾陰行

李嶠

君不見昔日西京全盛時汾陰后土親祭祠齋
宮宿寢設備供撞鐘鳴鼓樹羽旂漢家五葉才
且雄賓延萬靈服九戎栢梁賦詩高宴罷詔書
法駕幸河東河東大守親掃除奉迎至尊導鑾
輿五營夾道列容衛三河縱觀空里閭迴旌駐
蹕降靈場焚香奠醑邀百祥金鼎發色正焜煌

靈祇煇燁攄景光埋玉陳牲禮神畢舉麾上馬
乘輿出彼汾之曲嘉可遊木蘭爲檝桂爲舟棹
歌微吟綵鷁浮簫鼓哀鳴白雲秋歡娛宴洽賜
羣后家家復除戶牛酒聲明動天樂無有千秋
萬歲南山壽自從天子向秦關玉輦金車不復
還珠簾羽扇長寂寞鼎湖龍髯安可攀千齡人
事一朝空四海爲家此路窮雄豪意氣今何在
壇場官館盡蒿蓬路逢故老長歎息世事回環
不可測昔時青樓對歌舞今日黃埃聚荆棘山

川浦目淚沾衣富貴榮華能幾時不見祇今汾
水上唯有年年秋鴈飛

舟陽行

孫逖

舟陽古郡洞庭陰落日扁舟此路尋傳是東南
舊都處金陵中斷碧江深在昔風塵起京都亂
如燬雙闕戎虜間千門戰場裏傳聞一馬化爲
龍南渡衣冠亦願從石頭橫帝里京口拒戎鋒
青楓林下迴天蹕杜若洲前轉國容都門不見
河陽樹輦道唯聞建業鐘中原悠悠幾千里欲

掃攬搶未云已英雄傾奪何紛然一盛一衰如
逝川可憐宮觀重江裏金鏡相傳三百年自從
龍見聖人出六合車書混爲一昔年王氣今何
在併向長安就堯日荆榛古木閉荒阡共道繁
華不復全赤縣唯餘江樹月黃圖半日海人煙
暮來山水登臨遍覽古愁吟淚如霰唯有空城
多白雲春風淡蕩無人見

大漠行

崔湜

單于犯剽堧驃騎略蕭邊南山木葉飛下地北

海蓬根亂上天科斗連營大原道魚麗合陣武
威川三軍遙倚仗萬里相馳逐旌旆悠悠靜瀚
源輦鼓喧喧動盧谷窮徼出幽陵吁嗟倦寢興
馬蹄凍溜石胡毳煖生冰雲沙泱泱天光閉河
塞陰沈海色凝崆峒異國誰能託蕭索邊心常
不樂近見行人畏白龍遙聞公主愁黃鶴陽春
半岐路間瑤臺苑玉門關百花芳樹紅將歇二
月蘭皋綠未還陣雲不散魚龍水雨雪猶飛鴻
鴈山山嶂連縣不可極路遠辛勤夢顏色北堂

萱草不寄來東園桃李長相憶漢將紛紜攻戰
盈胡寇蕭傑幽朔清韓君拜節偏知遠鄭吉驅
旌坐見迎火絕煙沈右西極谷靜山空左北平
但使將軍能百戰不須天子築長城

長安古意

盧照隣

長安大道連狹斜青牛白馬七香車玉輦縱橫
過主第金鞭絡繹向侯家龍銜寶蓋承朝日鳳
吐流蘇帶晚霞百丈遊絲爭繞樹一羣嬌鳥共
啼花啼花戲蝶千門側碧樹銀臺萬種色複道

交牕作合歡雙闕連薨垂鳳翼梁家畫閣天中
起漢帝金莖雲外直樓前相望不相知陌上相
逢詎相識借問吹簫向紫煙曾經學舞度芳年
得成比目何辭死願作鴛鴦不羨仙比目鴛鴦
真可羨雙去雙來君不見生憎帳額繡孤鸞好
取門簾帖雙燕雙燕雙飛繞畫梁羅幃翠被鬱
金香片片行雲着蟬鬢纖纖初月上鴉黃鴉黃
粉白車中出含嬌含態情非一妖童寶馬鐵連
錢娼婦盤龍金屈膝御史府中烏夜啼廷尉門

前雀欲棲隱隱朱城臨玉道遙遙翠幃沒金堤
挾彈飛鷹杜陵北探丸借客渭橋西俱邀俠客
芙蓉劍共接娼家桃李蹊娼家日暮紫羅裙清
歌一轉口氛氲北堂夜夜人如月南陌朝朝騎
似雲南陌北堂連北里五劇三條控三市弱柳
青槐拂地垂佳氣紅塵暗天起漢代金吾千騎
來翡翠屠蘇鸚鵡杯羅襦寶帶爲君解燕歌趙
舞爲君開別有豪華稱將相轉日回天不相讓
意氣由來排灌夫專權判不容蕭相專權意氣

本豪雄青虬紫燕坐春風自言歌舞長千載自
謂驕奢凌五公節物風光不相待桑田碧海須
臾改昔時金階白玉堂卽今惟見青松在寂寂
寥寥楊子居年年歲歲一牀書獨有南山桂花
發飛來飛去襲人裾

古意

喬知之

妾家巫山隔漢川君度南庭向胡苑高樓迢遞
想金天河漢昭回更愴然夜如何其夜未央閒
花照月愁洞房自矜夫婿勝王昌三十曾作侍

中郎一從流落成漁陽懷哉萬恨結中腸南山
暮翼兔絲花北陵青青女蘿樹由來花葉同一
根今日枝條分兩處三星差池光照灼北斗西
指秋雲薄莖枯花謝枝憔悴香銷色盡花零落
美人長歎艷容萎含情收取摧折枝調絲獨彈
聲未移感君行坐星歲遲閨中宛轉今若斯誰
能爲報征人知

古意

吳少微

洛陽芳樹向春開洛陽女兒平日來流車走馬

來機上裂齊紈攬紅袖兮愁徒倚盼青砧兮悵
盤栢盤栢徒倚夜已久螢火雙飛入簾牖西北
風來吹細腰東南月上浮纖手此時秋月可憐
明此時秋風別有情君看月下參差影爲聽莎
間斷續聲絳河轉兮青雲曉飛鳥鳴兮行人少
攢眉緝縷思紛紛對影穿針魂悄悄聞道還家
未有期誰憐登隴不勝悲夢見形容亦舊日爲
許裁縫改昔時緘書遠寄交河曲須及明年春
草綠莫言衣上有斑斑只爲思君淚相續

代春閨

崔液

江南日煖鴻始來柳條初碧葉半開玉關遙遙
戍未迴金閨日夕生綠苔寂寂春花煙色暮簷
燕雙雙落花度青樓明鏡晝無光紅帳羅衣徒
自香妾恨十年長獨守君情萬里在漁陽

夏日閨怨

蔡瓌

桃徑李蹊絕芳園炎氛熾日滿愁軒枝上鳥驚
朱槿落池中魚戲綠蘋翻君戀京師久留滯妾
怨高樓積年歲非關曾入楚王宮直爲相思腰

轉細卧簾乘閑乍逐涼薰爐畏熱懶焚香雨露
柳葉如啼眼露滴蓮花似汗妝全由獨自羞看
影豔是孤眠疑夜永無情拂鏡不成妝有時卻
扇還風靜近日書來道欲歸鴛鴦文錦字息機
但恐愁容不相識爲教怕着別時衣

折柳篇

許景先

春色東來度渭橋青門垂下百千條長楊西連
建章路漢家林苑紛無數紫花始遍合歡枝遊
絲半習相思樹春樓初日照南隅柔條垂綠掃

金鋪寶釵新梳倭墮髻錦帶交垂連理襦自憐
柳塞淹戎幕銀燭長啼愁夢着芳樹朝催玉管
新春風夜染羅衣薄城頭楊柳已如絲今年花
落去年時折芳遠寄相思曲爲惜容華難再持

樂府新歌應教

謝偃

青樓綺閣已含春凝粧艷粉復如神細細輕裙
全漏影離離薄扇詎障塵樽中酒色恒宜滿曲
裏歌聲不厭新紫燕欲飛先遶棟黃鶯始啁啾
嬌人撩亂垂絲昏柳陌參差濃葉暗桑津上客

莫畏斜光晚自有西園明月輪

寶劍篇

李嶠

吳山開越谿涸三金合冶成寶鏹淬綠水鑿紅
雲五采焰起光氛氲背上銘爲萬年字冑前點
作七星文龜甲參差白虹色鞭轡宛轉黃金飾
駭犀中斷寧方利駿馬羣駢未擬直風霜凜凜
匣上清精氣遙遙斗間明避災朝穿晉帝屋逃
亂夜入楚王城一朝運偶逢大仙虎吼龍鳴騰
上天東皇提昇紫微座西王佩下赤城田承平

久息于戈事僥倖得充文武備除災辟患宜君
王益壽延齡後天地

古劍篇

一作寶劍篇

郭元振

君不見昆吾鐵冶飛炎煙紅光紫氣俱赫然良
工鍛鍊凡幾年鑄得寶劍名龍泉龍泉顏色如
霜雪良工咨嗟歎竒絕琉璃玉匣吐蓮花錯鏤
金環映明月正逢天下無風塵幸得周防君子
身精光黯黯青蛇色文章片片綠龜鱗非直結
交游俠子亦曾親近英雄人何言中路遭棄捐

零落漂淪古獄邊，雖復塵埋無所用。猶能夜夜氣衝天。

飛燕篇

王翰

孝成皇帝本嬌奢，行幸平陽公主家。可憐女兒三五許，芊茸惜是一園花。歌舞向來時不貴，一旦逢君感君意。君心見賞不見忘，姊妹雙飛入紫房。紫房綵女不得見，專縈固寵昭陽殿。紅妝寶鏡珊瑚臺，青鎖銀簧雲母扇。日夕風傳歌舞聲，祇擾長信憂人情。長信憂人氣欲絕，君王歌

吹終不歇。朝弄瓊簫下綵雲，夜踏金梯上明月。明月薄蝕陽精昏，嬌妬傾城惑至尊。已見白虹橫紫極，復聞飛燕啄皇孫。皇孫不死燕啄折，女弟一朝如火絕。明明天子咸戒之，赫赫宗周褒姒滅。古來賢聖歎狐裘，一國荒淫萬國羞。安得上方斷馬劍，斬取朱門公子頭。

綠珠篇

喬知之

石家金谷重新聲，明珠十斛買娉婷。此日可憐君自許，此時可喜得人情。君家閨閣不曾難，常

將歌舞借人看意氣雄豪非分理驕矜勢力橫
相干辭君去君終不忍徒勞掩袂傷鉛粉百年
離別在高樓一代紅顏爲君盡

七夕曝衣篇

沈佺期

君不見昔日宜春大液邊披香畫閣與天連燈
火灼爍九微映香氣氤氳百和然此夜星繁河
正白人傳織女牽牛客宮中擾擾曝衣樓天上
娥娥紅粉席曝衣何許曛半黃宮中綵女提玉
箱珠履奔騰上蘭砌金閨宛轉出梅梁絳河裏

碧煙上雙花伏兔畫屏風四子盤龍擎斗帳舒
羅散縠雲霧開綴玉垂珠星漢迴朝霞散綵羞
衣架晚月分光劣鏡臺上有僊人長命綵中看
玉女迎歡繡璫瑁筵中別作春珊瑚牕裏翻成
晝椒房金屋寵新流意氣嬌奢不自由漢文宜
惜露臺費晉武須焚前殿裘

代悲白頭翁

劉希夷

洛陽城東桃李花飛來飛去落誰家幽閨兒女
惜顏色坐見落花長歎息今年花落顏色改明

年花開復誰在已見松栢摧爲薪更聞桑田變
成海古人無復洛城東今人還對洛花風年年
歲歲花相似歲歲年年人不同寄言全盛紅顏
子須憐半死白頭翁此翁白頭真可憐伊昔紅
顏美少年公子王孫芳樹下清歌妙舞落花前
光祿池臺文錦繡將軍樓閣畫神仙一朝卧病
無相識三春行樂在誰邊宛轉蛾眉能幾時須
臆鶴髮亂如絲但看古來歌舞地惟有黃昏鳥
雀悲

落花落

王勃

落花落落落花紛漠漠綠葉青耐映丹萼與君徘徊
上金閣影拂粧階玳瑁筵香飄舞館茱萸幙
落花飛撩亂入中帷落花春正滿春人歸不歸
落花度氛氳遶高樹落花春已繁春人春不顧
綺閣青臺靜且閒羅袂紅巾復往還盛年不再
得高枝難重攀試復旦遊落花裏暮宿落花間
與君落花院臺上起雙鬟

典禮

安樂郡主花燭行

張說

青宮朱邸翊皇闈玉葉瓊蕤發紫微姬姜本來
舅甥國卜筮俱道鳳凰飛星昴殷冬獻吉日天
桃穠李遙相匹鸞車鳳傳王子來龍樓月殿天
孫出平臺火樹連上陽紫炬紅輪十二行丹爐
飛鐵馳炎焰炎霞爍電吐明光綠駢紺憶紛如
霧節鼓清笳前啓路城隅靡靡稍東還橋上鱗
鱗轉南渡五方觀者聚中京四合塵煙漲洛城
商女香車珠結網天人寶馬玉繁纓百壺淥酒

千斤肉大道連延障錦軸先祝聖人壽萬年復
禱宜家承百祿珊瑚刻盤青玉樽因之假道入
梁園梁園山竹凝雲漢仰望高樓在天半翠幕
蘭堂蘇合薰珠簾掛戶水波紋剔起芙蓉織成
帳金縷鴛鴦兩相向罽茵飾地承瑇履花燭分
階移錦帳織女西垂隱燭臺雙童連縷合歡杯
藹藹綺庭嬪從列娥娥紅粉扇中開黃金兩印
雙花綬富貴婚姻古無有清歌棠棣美王姬流
化邦人正夫婦

薛王花燭行

閻德隱

王子仙車下鳳臺紫纓金勒馭龍媒

出環珮鏘鏘天上來
鴉鵲樓前雲半捲
鴛鴦殿裏月徘徊
玉盤錯落銀燈照
珠帳玲瓏寶扇開
盈盈二八誰家子
紅粉新妝勝桃李
從來六行比齊姜
自許千門奉楚王
楚王宮裏能服飾
顧盼傾城復傾國
合歡錦帶蒲萄花
連理香裙石榴色
金爐半夜起氛氲
翡翠被重蘇合薰
不學曹王遇神女
莫言羅敷邀使君
同心婉婉

若琴瑟更笑天河有靈匹
一朝福履盛王門
百代光輝增帝室
富貴榮華實可憐
路傍觀者謂神仙
祇應早得淮南術
會見雙飛入紫煙

初唐彙詩卷第二十

四唐彙詩二十

初唐彙詩卷第二十一

初唐彙詩卷第二十一

四唐彙詩三十一

新都

吳勉學 采輯

江晏如 校次

七言古體

贈答

軍中人日登高贈房明府 宋之問

幽郊昨夜陰風斷頓覺朝來陽吹暖涇水橋南
柳欲黃杜陵城北花應滿長安昨夜寄春衣短
翻登茲一望歸聞道凱旋乘騎入看君走馬見

芳菲

贈崔二安平公樂世詞

張說

十五紅妝侍綺樓朝承握槊夜藏鈎君臣一意
金門寵兄弟雙飛玉殿遊寧知宿昔恩華樂變
化瀟湘離別愁地濕莓苔生舞袖江聲怨歎人
筓篴自憐京北雙眉嫵會得南來五馬留

逸人歌贈李山人

張楚金

上有堯兮下有由眠松陽兮漱潁流其貌古其
心幽浩歌一曲兮林壑秋道險可驚兮人莫用

樂天知命兮守巖洞時擊磬兮嗟鳴鳳吾欲知
往古之不可追目悠悠於凡夢

十月梅花書贈

盧僎

君不見巴鄉氣候與華別年年十月梅花發上
苑今應雪作花寧知此地花爲雪自從遷播落
黔巴三見江上開新花故園風花虛洛汭窮峽
凝雲度歲華花情縱似河陽好客心倍傷邊候
早春候颯驚樓上梅霜威未落江潭草江水侵
天去不還樓花覆簾空坐攀一向花前看白髮

幾回夢裏憶紅顏紅顏白髮雲泥改何異桑田
移碧海却想年華故國時唯餘一片空心在空
心弔影向誰陳雲臺仙閣舊遊人儻知巴樹連
冬發應憐南國氣長春

和大尉戲贈高陽公上官儀

薰爐御史出神仙雲鞍羽蓋下芝田紅塵正起
浮橋路青樓遙敞御溝前傾城比態芳菲節絕
世相嬌是六年慣是洛濱要解珮本自河間好
數錢翠釵照曜銜雲髮玉步逶迤動羅袜石榴

絞帶輕花轉桃枝綠扇微風發無情拂袂欲留
賓詎恨深潭不可越天津一別九秋長豈若隨
聞三日香南國自然勝掌上東家復是憶王昌
代秦女贈行人 劉希夷

鸞鏡曉含春蛾眉向影頻開 衣裳破那堪粉
黛新春遠洛陽道爲憶春堦草楊葉未能攀梅
花待君掃今朝喜鵲傍人飛應是狂夫走馬歸
遙想行歌共遊樂迎前含笑着春衣

代女道士王靈妃贈道士李榮

玄都五府風塵絕碧海三山波浪深桃實千年
非易待桑田一變已難尋別有仙居對三市金
闕銀宮相向起臺前鏡影伴仙娥樓上簫聲隨
鳳史鳳樓迢遞絕塵埃鶯時物色正徘徊靈芝
紫檢參差長仙桂丹花重疊開雙童綽約時遊
陟三鳥聯翩報消息盡言真侶出遨遊傳道風
光無限極輕花委砌惹裾香殘月窺窓覘幌色
箇時無數併妖妍箇裏無窮總可憐別有衆中

稱黜帝夫上人間少流例洛濱仙駕啓遙源淮
浦靈津符遠筮自言少小慕幽玄只言容易得
神仙佩中邀勒經時序簫裏尋思復幾年尋思
許事真情變二八容華識少選漫道燒丹止七
飛空傳化石曾三轉寄語天上弄機人寄語河
邊值查客乍可忽忽共百年誰使遥遥期七夕
想知人意自相尋果得深心共一心一心一意
無窮已投漆投膠非足擬只將羞澁當風流持
此相憐保終始相憐相念倍相親一生一代一

雙人不把丹心比玄石惟將濁水况清塵只言
柱下留期信好欲將心學松薜不能京兆畫蛾
眉翻向成都騁騶引青牛紫氣度靈關尺素絕
鱗去不還連苔上砌無窮綠脩竹臨壇幾處斑
此時空牀難獨守此日別離那可久梅花如雪
柳如絲年去年來不自持初言別在寒偏在何
悟春來春更思春時物色無端緒雙枕孤眠誰
分許分念嬌鶯一種啼生憎燕子千般語朝雲
旭日照青樓遲暉麗色滿皇州落花泛泛浮靈

沼垂柳長長拂御溝御溝大道多奇賞俠客妖
容遞來往寶騎連花鐵作錢香輪驚水珠爲網
香輪寶騎競繁華可憐今夜宿倡家鸚鵡杯中
浮竹葉鳳凰琴裏落梅花許輩多情偏送款爲
問春花幾時滿千回鳥信說衆諸百過鶯啼說
長短長短衆諸判不尋千回百過浪關心何曾
舉意西鄰玉未肯留情南陌金南陌西鄰咸自
保還轡歸期須及早爲想三春狹斜路莫辭九
折卍關道假令白里似長安須使青牛學劍端

蘋風入馭來應易竹杖成龍去不難龍駮去去
無消息鸞鏡朝朝減容色君心不記下山人妾
欲空期上林翼上林三月鴻欲稀華表千年鶴
未歸不分淹留桑路待祗應直取桂輪飛

答宋之問

司馬承禎

時旣暮兮節欲春山林寂兮懷幽人登奇峰兮
望白雲悵緬邈兮象欲紛白雲悠悠去不返寒
風颼颼吹日晚不見其人誰與言歸坐彈琴思
逾遠

艷情代郭氏答盧照鄰

駱賓王

迢迢芊路望芝田眇眇函關限蜀川歸雲已落
涪江外還鴈應過洛水灑洛水傍連帝城側帝
宅層薨垂鳳翼銅駝路上柳千條金谷園中花
幾色柳葉園花處處新洛陽桃李應芳春妾向
雙流窺石境君住山川守玉人此時離別那堪
道此日空牀對芳沼芳沼徒遊比目魚幽徑還
生拔心草流風迴雪儻便娟驥子魚文實可憐
擲果河陽君有分貨酒成都妾亦然莫言貧賤

無人重莫言富貴應須種綠珠猶得石崇憐飛
燕曾經漢皇寵良人何處醉縱橫直如循默守
空名倒提新纜成慊慊翻將故劍作平平離前
吉夢成蘭兆別後啼痕上竹生別日分明相約
東已取宜家成誠最當時擬弄掌中珠豈謂先
摧庭際玉悲鳴五里無人問腸斷三聲誰爲續
思君欲上望夫臺端居懶聽將雛曲沈沈落日
向山低簷前歸燕並頭栖抱膝當窓看夕兔側
耳空房聽曉鷄舞蝶臨階祗自舞啼鳥逢人亦

助啼獨坐傷孤枕春來悲更甚峨眉山上月如
眉濯錦江中霞似錦錦字迴文欲贈君劍壁層
峰自糾紛平江淼淼分清浦長路悠悠間白雲
也知京洛多佳麗也知山岫遙虧蔽無那短封
卽踈索不在長情守期契傳聞織女對牽牛相
望重河隔淺流誰分迢迢經兩歲誰能脈脈待
三秋情知唾井終無理情知覆水也難收不復
下山能借問更向盧家字莫愁

初唐彙詩卷第二十一

四唐彙詩二十一

山土月吹

初唐彙詩卷第二十二

四唐彙詩二十二

新都

吳勉學

采輯

江晏如

校次

七言古體

送別

洛中晴月送殷四入關 劉希夷

清洛浮橋南渡頭
天晶萬里散華洲
晴看石漱光無數
曉入寒潭浸不流
微雲一點曙煙起
南陌憧憧遍行子
欲將此意與君論
復道秦關向

千里

賦得明星玉女壇送廉察尉華陰

王翰

洪河之南曰秦鎮發地削成五千仞三峰離地
皆倚天唯獨中峰特脩峻上有明星玉女祠祠
壇高眇路透迤三十六梯入河漢樵人往往見
蛾眉蛾眉嬋娟又宜笑一見樵人下靈廟仙車
欲駕五雲飛香扇斜開九華照含情遲佇惜韶
年願侍江邊復中旋江妃玉佩留爲念女銀

簫空自憐仙客途殊兩情遽感君無盡辭君去
遙見明星是妾家風飄雲散不知處故人家在
西長安賣藥往來投此山綵雲蕩漾不可見綠
蘿蒙茸鳥綿蠻欲求玉女長生法日夜燒香應
自還

春日留別

孫逖

春路透迤花柳前孤舟晚白就人煙東山白雲
不可見西陵江月夜娟娟春江夜盡潮聲度征
帆遙從此中去越國山川看漸無可憐愁思江

南樹 於其中去 鐵圍山 山青無 無河 樹 綠 翠 山

不可見 西 刻 以 以 刻 刻 春 山 交 盡 隔 斷 鐵 圍 山

春 樹 盡 盡 外 柳 而 而 柳 柳 白 柳 人 數 東 山 白 雲

春日留別

目擊

鐵 圍 山 上 青 無 無 河 樹 綠 翠 山 交 盡 隔 斷 鐵 圍 山

西 長 安 長 安 長 安 長 安 長 安 長 安 長 安 長 安 長 安

鐵 圍 山 上 青 無 無 河 樹 綠 翠 山 交 盡 隔 斷 鐵 圍 山

初唐彙詩卷第二十二

四唐彙詩二十五



書